

REPUBLIKA E SHQIPËRISË
KUVENDI
SHËRBIMI LEGJISLATIV
SHËRBIMI JURIDIK

Nr. 1162 / Prot.
3
Lënda: Dërgim rezolute

Tiranë më 21.07.2023

AUTORITETIT PËR INFORMIMIN MBI DOKUMENTET
E ISH-SIGURIMIT TË SHTETIT

Tiranë

Bashkëlidhur ju dërgojmë:

Rezolutë "Për vlerësimin e veprimtarisë së Autoritetit për Informimin mbi Dokumentet e ish-Sigurimit të Shtetit për vitin 2022".

Duke ju falënderuar për bashkëpunimin.

SEKRETARI PËRGJITHSHËM

Genci GJONCAJ

**REPUBLIKA E SHQIPËRISË
KUVENDI**

MIRATOHET

KRYETARE

Lindita NIKOLLA



REZOLUTË

**PËR VLERËSIMIN E VEPRIMTARISË SË AUTORITETIT PËR INFORMIMIN
MBI DOKUMENTET E ISH-SIGURIMIT TË SHETIT PËR VITIN 2022**

Kuvendi i Shqipërisë,

Duke vlerësuar rolin e Autoritetit në përmbushje të misionit të tij për dhënie të informacionit mbi dokumentet e ish-Sigurimit të Shtetit, në mënyrë që të edukojë publikun e të mbështesë vlerat demokratike të drejtësisë, të vërtetën, pajtimin e përgjegjësinë për brezat e ardhshëm;

Duke konsideruar se veprimtaria e Autoritetit është udhëhequr nga parimi i ligjshmërisë, mbrojtjes së të dhënave personale, dhënies së informacionit publikut, institucioneve dhe medias në kohë dhe me cilësi;

Duke njohur bashkëpunimin e Autoritetit me institucione të tjera vendase dhe institucione homologe ndërkombëtare për shkëmbimin e informacionit e të përvojës lidhur me objektin e punës së Autoritetit;

Vlerëson veprimtarinë e Autoritetit për Informim mbi Dokumentet e ish-Sigurimit të Shtetit gjatë vitit 2022 në drejtim të:

Nënshkrimit të marrëveshjes me Drejtorinë e Përgjithshme të Policisë së Shtetit për garantimin dhe realizimin e një procesi të rregullt ligjor të identifikimit dhe rikuperimit të trupave të të zhdukurve gjatë periudhës së komunizmit.

Krijimit dhe plotësimit të regjistrit elektronik të kërkesave dhe përgjigjeve për të drejtën e informimit, si një sistem që mundëson qasje më të drejtpërdrejtë të qytetarëve dhe grupeve të interesit në informacionin publik.

Mbështetjes shkencore nëpërmjet përpunimit të kërkesave të studiuesve dhe medias për qëllime studimore dhe vënien në dispozicion të dokumentacionit arkivor të kërkuar.

Edukimit qytetar për veprimtarinë e ish-Sigurimit të Shtetit nëpërmjet projekteve studimore dhe audio-vizuale, ekspozitave, konferencave dhe takimeve të Autoritetit me partnerë dhe publikun e interesuar.

Bashkëpunimit institucional me homologë të ndryshëm për shkëmbimin e përvojave me vende të cilat prezantojnë modelet më të mira në shërbim të pajtimit, paqes dhe ndërtimit të Kujtesës Europiane;

Kuvendi rekomandon që Autoriteti për Informimin mbi Dokumentet e ish-Sigurimit të Shtetit për vitin 2023 të përmirësojë punën në këto drejtime:

1. Të hartojë aktet nënligjore në kuadër të përafrimit me ndryshimet që pësoi ligji nr.45/2015 “Për të drejtën e informimit për dokumentet e ish- Sigurimit të Shtetit të Republikës Popullore Socialiste të Shqipërisë”, i ndryshuar.

✕ 2. Të raportojë për përfundimet dhe pengesat ligjore që ka hasur Autoriteti gjatë zbatimit të ligjit nr. 45/2015 lidhur me verifikimin e figurave të zyrtarëve të pajisur më parë me certifikatë pastërtie figure. Pas ndryshimeve ligjore që sollën shfuqizimin e komisioneve “Bezhani” e “Mezini”, Autoriteti të bashkëpunojë me institucionet kushtetuese dhe autoritetet publike, me qëllim që t’i drejtohen Autoritetit me kërkesë për riverifikim të figurës së zyrtarëve të pajisur më parë me certifikatë pastërtie.

3. Të vijojë punën me ndërtimin e databazës së detajuar për personat e zhdukur, e cila do të shërbejë si Regjistër i Personave të Zhdukur për nisjen e procesit të identifikimit dhe rikuperimit, si dhe për krijimin e databazës së ADN-së së të afërmeve të personave të zhdukur.

✎ 4. Të vijojë me informimin e studiuesve dhe medieëve të interesuara për dokumentet e ish-Sigurimit të Shtetit, si dhe garantimin e shqyrtimit dhe dorëzimin e dublikatave të tyre të kërkuar brenda afateve kohore të përcaktuara në aktet nënligjore të dala në zbatim të ligjit organik nr. 45/2015 i ndryshuar.

5. Të sistemojë dhe të vijojë me procesin e digjitalizimit të dokumenteve të ish-Sigurimit të Shtetit të mbledhura nga institucionet arkivore në vend në arkivin e vetëm të Autoritetit.

6. Të përmirësojë procedurat e brendshme për trajtimin e kërkesave individuale, institucionale, studimore dhe qytetare, me qëllim shkurtimin e afateve kohore të shërbimit të dokumentacionit.

7. Të bashkëpunojë me Institutin e Studimeve të Krimeve dhe Pasojave të Komunizmit në Shqipëri dhe t’i krijojë lehtësira në punën e tij për të përmbushur detyrimet që burojnë nga neni 5 i ligjit nr. 10 242, datë 25.2.2010, “Për Institutin e Studimeve për Krimet dhe Pasojat e Komunizmit në Shqipëri” në masën dhe për qëllimet që lejon neni 26-i i ligjit nr. 45/2015 i ndryshuar.

8. Të bëjë transparencën e vendimmarrjes në raportimin vjetor, ku të pasqyrohet mendimi kundër në rastet e vendimmarrjes jounanime.

Miratuar në datën 13.7.2023